

2011, 1058, MAG, 73

X

AD
SOLENNES EXEQUIAS,
VIRI
NOBILISSIMI, AMPLISSIMI, CONSULTISSIMI
DN. FRIDERICI
PETRI NAUMANNI,
J. U. D.

SERENISSIMI ET POTENTISSIMI
ELECTORIS BRANDENBURGICI

Rerum Venaticarum in Prussia & Commissionum
CONSILIARII,

Illustrium, Supremi & Aulici, Judiciorum
ADVOCATI,

CIVES SUOS

INVITAT

RECTOR ET SENATUS
ACAD. REGIOMONTANÆ.



REGIOMONTI,

Typis **FRIDERICI REUSNERI**, SEREN. ELECT. BRANDENB.
ET ACAD. TYPOG. HÆREDUM.



*Antiquissimum & communissimum acquirendi
genus Venatio; Pleraque enim animan-
tium ut nata, ut gressus formare docta,
ut robur nata, venantur sollicito; alius
herbæ & sponte nascentia in prædam
cedunt; hoc, florentem cythifum sequi-
tur capella: alius ipsa prædabunda,
præda fiunt animalia; hoc torva læna lupum, hoc lupus
ipse capellam sequitur. Homo quoque ab ortu suo ve-
nando quicquid est temporis consumit: Si vita est silva; in
horrida fravem morum elegantiam, in aspera mitem in-
genii culturam, in jugosa ardua virtutum decora vena-
tur. Si vita est saltus; in invio industriæ parat viam, in la-
tebroso ignaviæ latibula detegit, in vasto errores vagos
cingit indagine. Sit vita palus; ex cœno pravorum col-
loquiorum emergere; ex limo tenacium illecebrarum se
expedire; ex uligine alta vitiorum eluctari, hoc labor,
hoc opus est humani venatûs. Sit vita nemus; inter re-
cessus curiositatum sectatur seria; inter blanditias for-
tunæ prospicit adversis; inter amœnitates honorum,
modestiam meditatur. Lucus denique esto vita; in inac-
cesso sapientiæ aditum, in formidoloso recti conscientia,
in núbilo clarum mentis lumen investigat. Adeò Ve-
nando occupatur humanum genus, tanto magis in hoc
studio desudans, quanto plus exinde gloriæ aut usûs ad
se & Patriam rediturum confidit. Schola quippe Heroica-
rum Virtutum merito habetur Venatica: Hæc Hercules, hæc
Cyros, hæc Mithridates, hæc Alexandros ad tot tanto-
rumque laborum tolerantiam induravit; Hæc ex arena
consilium capere magis quam Circus docuit; Hæc non
minus quam Mavortia castra exercitatos reddit: Fa-
mem, sitim, frigora, æstus inter delicias hæc Generosis
commendat: Hæc insultus ferarum irretorto vultu ex-
cipere; hæc fugientes persequi, ferire & sternere; hæc la-
tentes indagare, lacerare & circumvenire monstrat:
Hæc*

Hæc Lacedæmoniorum Respublica tamdiu stetit; Hæc
Persæ quondam terrarum Domini redditi. *Omniaque
paria cum bello habet Ludus Venaticus*, Virorum militarium
genuinum Gymnasium; in quo æquè artis est, ferarum,
ac hostium indolem, versutiam, & vehementiam digno-
vise. Quamvis *non ferarum Venatio sola nobilitet*, cum lon-
gè illustrior ista sit, quâ vitiorum insidias evitamus, animi
motus compescimus, corpus rationis imperio in oble-
quium assuefacimus, mentem in insatiabilem sapientiæ
cupiditatem excitamus. Hæc est illa venatio, quam XE-
NOPHON inventum Deorum prædicat; quâ Chironem
ab Apolline & Diana ornatum asserit: quâ quicquid fuit,
Discipulorum Chironis, omnes ad summos honores
grassatos refert. Neque curiositas in alendis canibus so-
lum, aut in insectandis feris, hos supra communem for-
tem cæterorum mortalium evexit, sed magis, quod præ-
claris inventis ac disciplinis præclarè de genere humano
meriti fuerunt; Prudentiæ & scientiæ studiis rudiores &
imperitos animos informando. Inter Venatores enim
HIPPOLYTUM rectius recenset, quod incestos amores
novercæ effugerat, quod Pietatis & Pudicitæ laudem
venatus fuerat, quam quod doctâ manu feras ferire de-
stinato noverat: Neq; MACHAONIS & PODALIRII
minor, ipso iudice, ex artibus quibus sanitatem militum
sunt venati, quam ex fortiter in bello Trojano ad versus
hostes gestis gloria fuit: NESTOREMq; & ULYSSEM
venando consiliorum & eloquentiæ efficacem usum tan-
tum beneficiorum in Græciam contulisse, quàm Achil-
lem ac Agamemnona bella gerendo manusque conse-
rendo cum hostibus: ut Melanionem, Amphiaræum, Peleum,
Telamonem, Meleagrum, Theseum, Palamedem, Menestheum, &
alia inclyta Græciæ nomina mittam, quibus summam
voluptatem & gloriam fuisse scribit, præter fortitudi-
nem, & temperantiam, & justitiam, & liberalitatem & re-
liquas virtutû venustates assiduis meditationibus & labo-
ribus

ribus venari. Ipseque XENOPHON non postremus memorabilium Venatorum, incertum de se relinquit, quo venatu majorem gloriam indeptus fuerit, tantâ artium, virtutum, & scientiarum cum fortitudine bellica mixturâ, ut æqualitas difficilem electionem reddat. *Venantibus* autem ista omnia, in silvis, in saltibus, in paludibus, in nemoribus, ac lucis, in artibus, in togæ & sagi Virtutibus, in Scientiis, *mortalibus* Mors retia & plagas tendit, ipsaque *venatrix* vaferrima speculatur, ut irretiet, ut propellat, ut percellat, ut dejiciat: *Plagas* ex late primorum Parentum mortalis conditio necit; *insidias* struunt tot casus, tot rerum discrimina; innumeræ curæ, anxietates assiduæ rerum humanarum, animos exagitant; imbecillitatis conscientia, terror hostilis violentiæ inclinant; corporis langviores, morborumque ingruentia agmina prosterunt: prædaque æternæ mortis occubisset homo, ni *salutis humanæ* venator CHRISTUS morte sua *Mortis venabulum* elisisset, *retia* & *plagas* perripisset, *prædamque* orci faucibus eripisset. Eodem tramite & *Viri Nobilissimi, Amplissimi, Consultissimi* DN. FRIDERICI PETRI NAUMANNI, J. U. D. *Sereniss. & Potentiss. Elect. Brandenb. rerum Venaticarum in Prussia, & Commissionum Consiliarii, Illustrum, Supremi & Aulici, Judiciorum Advocati*, vita venando decurrit. *Venatus* enim à teneris Pietatis, morum, & literarum laudes; *Venatus* Parentum, Amicorum, & Doctorum amores; *Venatus* Patronorum, Procerum, Principum gratias: benèque merendo de bonis, de clientibus, de quæ republica *venatus* est summam gloriam. *Venanti* quæ ut favit successus, ut favit fortuna, ita mors indignata est & invidit, medio quæ in cursu insidias disposuit. Quam indignationem & invidiam mortis ipse facilimè vicit, superatis insidiis, ad vulnera CHRISTI, tutissimum refugium, sanctissimum, asylum, imperturbato animo ubi se recepit; inibi cum fidelibus omnibus opimis spoliis post venatûs humani molestias æternum fruens. Natale solum *Lunæburgum*
ipfi

ipſi obtigit, quæ editum in lucem Anno 1645. d. 25. Octob.
ſuſcepit, PATRE, Viro Maximè Reverendo, Ampliſſimo, Cla-
riſſimo, DN. M. JOHANNÉ NAUMANN, Superinten-
dente graviſſimo & meritiſſimo Comitatus Brunſvico-Lunebur-
genſis Diepboltz: MATRE, Nobiliſſima atque Matronali-
bus Virtutibus Præluſtri & Ornatiſſima Domina CATHARI-
NA DOROTHEA Langin / Viri Plurimum Reverendi atq;
Clariſſimi DN. M. DAVIDIS LANGII, Paſtoris ad ædem
S. Nicolai Luneburgi, Filia. Quibus Parentibus Optimis
ortus Eccleſiæ Baptiſmi Sacramento conſecratus eſt illi-
co; quoque maturius ferret diſciplinam, maturè Lune-
burgenſi Principali Scholæ ad Divum Michaëlem liberaliter e-
ducatione & doct̄ina puerili inſtituendus traditus; Ce-
leberrimi Hiſtorici & Geographi JOHANNIS BUNONIS,
Reſtoris t. t. manu ductione ingenii docilitatem juvante,
Cariſſimique AVI curâ igniculos generoſi pectoris fo-
vente & alente. Atque ut ſurgunt in ortus ſuos ocyus
generoſa femina, præfertim ſi cultura ipſa excitariſt, in-
dolis ejus virtutes diu latere non poterant; quâ ardore,
quâ induſtria, quâ obſequio, quâ honoris æmulatione,
quæ ipſi pro neceſſitate erat, validiorque quam pœna
& diſciplina Scholaſtica aut metus repellebat ſegnitiem,
Magiſtrorum quos ceperat aucupatus eſt benevolentiam,
ut edito ſpecimine ſuffragia omnium ipſi illuſtre Gymna-
ſium ibidem locorum adeundi poteſtatem facerent, du-
ctuque Clariſſimorum Virorum DN. M. NOTTELMAN-
NI, Gymnaſii Inſpectoris, DN. WEIERI, Licentiati, & DN.
CLASENII, D. variâ Grammaticorum Polymathiâ exer-
cito vigorem ac robur addiderunt Philoſophiæ acriora
monita, quibus animus ad majora formari cœperat. His
quibus opibus inſtructus hanc noſtram ALBERTI-
NAM Anno 1666. d. 15. Dec. ſalutavit, ut ſtudiis ſeverio-
ribus ſolidam Prudentiam & Sapientiam acquireret.
Nec deſtituit conſilium proſper eventus. Politicâ fanè
doct̄inâ quàm non vulgariter imbutus fuerit publica ſo-
lenni

B

lenni

lenni Disputatione frequenti Auditorio probavit: Quod
verò ad *Jurisprudentiam* animum præcipuè appulisset, nul-
lam occasionem in hâc scientiâ proficiendi præterlabi-
sivit, ad *Excellentissimorum Professorum* lectiones publicas
sedulus attendens salutaria præcepta altâ mente repo-
sivit, reposita domi depromsit, longiorique meditatione
subinde revolvit. Famigerabilis tamen maximè & ele-
gantissimi JCTi DN. THEODORI WOLDERI, J. U. D.
& *Professoris Primarij* præcipuâ operâ ac familiaritate u-
sus, hujus dexteritate ac prudentiâ in docendo se mul-
tum profecisse gratus agnovit, eidemque lætos studiorum
successus acceptos retulit. Factumq; istâ assiduitate labo-
rum, ut morum atque eruditionis fama ad *Illustrem, Gene-
rosissimum ac Excellentissimum* DN. AB HOVERBECK,
*S. R. I. Lib. Baronem, Serenissimi Electoris Brandenburgici Con-
siliarium intimum, & sacro legationum munere toti orbi toties ve-
nerabilem*, penetraret. Magnusq; HIC ingeniorum, vir-
tutumque æstimator, ac judex, dignum habuit cui curam
Generosissimorum Filiorum crederet. Quæ res BEA-
TO NOSTRO felicissimè cecidit, non tam illo, quod
dum tales doceret se ipsum instrueret; quàm quod quæ
ex umbratili *Philosophiâ* dogmata hauserat, suis colori-
bus radiantia vivacia civilis vitæ caperet experimenta:
Siquidem quum PHILIPPO *maxima egregiæ indolis incre-
menta dedisse* traditur, quod *Thebis triennio obses habitus, prima
pueritiæ rudimenta, in urbe severitatis antiquæ, & in domo Epa-
minondæ Summi Philosophi & Imperatoris deposuit*; næ summos
in gerendâ rectè vitâ profectus NAUMANNUM bonæ
fortunæ dicamus debuisse, quæ in *Illustrissima* domo ru-
dimenta actionum publicarum deponere dedit. HO-
VERBECKIUS enim omnibus aulæ, belli ac togæ, doti-
bus, ingenijque ac studiorum eminentissimus seculi sui, qui
nihil in vitâ nisi laudandum aut fecit aut dixit ac sensit;
vigore animi acerrimus, magnitudine cogitationum, ce-
leritate agendi, patientia molestiarum & periculorum.

nulli

nulli secundus, somno & cibo in vitam semper non in voluptatem utens, arduis consiliis magna ausus, magnificè conata executus, apud hostes Virtutis, apud socios Prudentiæ, apud Patriæ Patrē Fidei, apud omnes Sapientiæ gloriam est consecutus. Hunc tantum Ducem nactus, habuit semper unde disceret, ad cuius instar sua componeret. Quandoquidem & **PER-ILLUSTRIS PATRONUS** ipsum non rarò in expediendis publicis negotiis duarum solennium Electoralium Legationum *Varavia* per quatuor annos adhibuit, sive Regiæ Majestates devotè adeundæ, sive Senatores utriusque ordinis, sacri & secularis, officiosè salutandi forent; ex voto **PERILLUSTRIS DOMINI LEGATI Noster** creditis muneribus sedulo & bellè est defunctus, meruitque ut egregium laborum actorum à tanto Viro testimonium auferret. Benignè itaque à **PERILLUSTRI DOMINO BARONE AB HOVERVECK** dimissus, Regiomontum redux **CELSISSIMI AC ILLUSTRISSIMI PRINCIPIS ET DUCIS DE CROY**, *Gubernatoris Prusæ felicis memoriæ*, commendatitias impetravit, quibus apud **SERENISSIMUM ELECTOREM gloriosæ memoriæ**, ut Consiliarius Commissionum destinaretur, obtinuit. Quam spartam ut ornaret, *Summos in Facultate Juridicâ honores* appetens, *Gryphiswaldiam* adiit, & præstandis præstitis, inaugurali Disputatione sub Præsidio *Celeberrimi Antecessoris D. JOHANNIS POMERESCHII, t. t. Decani, anno 1673. ult. Novembris*, editâ, eosdem est adeptus. Quum ita secundi atque prosperi quique effluxerant dies, desiderio visendi Parentes, & amplectendi amicos Patriam repetiit. Neque tantum voluptati dedit illud iter, sed & usui, quum præter Electorales, plurimorum Serenissimorum Principum aulas hac occasione inviserit. Redditus tandem Prusæ, concesso indulgentissime à **SERENISSIMO ELECTORE** munere *Consilarii* justè defuncturus, simulque *Judiciorum, Supremi & Aulici, Advocatus*, Juramenti Sacramento

1901 090A 1116 M. 11. 5. 9. 9. 25 (0) 25

cramento suam fidem obstrinxit. Matrimonium *An.* 1674.
d. 3. *Septembr.* iniit cum *Nobilissimâ atq; Spectatissimâ Virgine*
ANNA REGINA, *Maximè Reverendi, Amplissimi atque Cla-*
rissemi DN. B. CHRISTIANI COLBII, SS. Theol. D. & Ec-
clesiarum Bartensteinensium Archi-Presbyteri, filia, privignâ
Nobilissimi, Consultissimi atque Amplissimi Nominis Viri DN.
JOHANNIS DIETERICI KÜHNEMANNI, *Sereniss.*
& Potentiss. Electoris Brandenburgici rerum Venaticarum in
Prussiâ Consilarii; Atq; socero, cum quo ipsi optimè con-
venerat, cui & de benè liberaliterq; educata atque edu-
cta Uxore admodum erat devinctus, jussu superum,
ad plures abeunti Successorem ipsum SERENISSIMI
ELECTORIS gratia constituit. Quomodo se gesserit
in Vita Civili erga Summos, medioximos, imos; erga Pa-
tronos, clientes, amicos; erga honoratissimam *Socrum*, af-
finem & domesticos, non nostrum erit eloqui, quum tot
super sint monumenta. Cum conjugè amicissime septen-
decim ferè explevit annos, octo liberorum Parens, qua-
tuor filiorum, filiarumque totidem, ut tamen utriusque
sexûs partem mors carpserit prior. Morbus ipsum non
uno ictu prostravit: ante novem menses pedes invaserat
erysipelatis specie, frustra omnibus remediis tentatis,
cum nova subinde emergerent symptomata: *d.* 25. *Jan.*
anni currentis, tristibus ipsum deliquis fermè attonitum
reddiderat; licet ope medicaminum recreatus fuerit, ut
sacrâ synaxi ad mortis horrores imperterrito animo su-
stinendos muniretur: Verum recidivam ejusmodi fera-
lium deliquiorum ac peremptoriorû passus *d.* 27. *Februarii,*
ad alterum diem usque vitâ ægrè ductâ, tandem placidè
expiravit, Jesu dulcis dulci memoriâ, & invocatione
suavissimâ vitæ actus obsignans. Summa annorum qua-
draginta quinque, quatuor mensium, dierumque qua-
tuor, confectâ. Exequialia autem dum justa hodie Mœ-
stissima Vidua sit celebratura, supremum defuncti hono-
rem ut vestrâ frequentiâ augeatis est quod rogamus.

P.P. *d.* 11. Martii Anno 1691.

35 (0) 56

X

